

Cunvegna tranter ils chantuns Grischun e Son Gagl davart la pestga da peschs da frega en il traject da cunfin dal Rain

dals 16 da fanadur e dals 20 d'avust 1943 ¹⁾

1. Per la pestga da peschs da frega cun raits a tratga vegn reservà il traject sur la punt da la viafier Ragaz-Maiavilla al chantun Grischun, il traject sut questa punt al chantun Son Gagl.
Ultra da quai po il chantun Grischun permetter ina nassa cun la grondezza legala da las anzas a la sbuccada dal "Mühlebach" a Maiavilla ed il chantun Son Gagl ina nassa a la sbuccada da la Tamina.
2. La pestga da peschs da frega cumenza il segund glindesdi d'october e terminescha ils 15 da december (ultim auzament da las nassas ils 15 da december).
La dumengia e la mesemna valan sco dis da schanetg per la pestga cun la rait. Las nassas ston vegnir revedidas e svidadas quests dis da schanetg avant las 8.00.
3. Per la pestga da peschs da frega èn admiss per mintga chantun (a norma da sias prescripziuns respectivas) ina rait a separaziun ed ina nassa, plinavant in bier pitschen, dentant mo sco rait da sustegn.
4. Cur ch'i vegn tratga la rait e cur ch'i vegnan auzadas las nassas sto esser preschent in organ da surveglianza da pestga da quel chantun che dat la permissiun.
5. L'organ da surveglianza sto perforar ils peschs dads libers per il martgà al fegliet da la brantscha.
6. Tut ils peschs sut la mesira sco er tut las femnas anc betg madiras da la litgiva da lai cun ina paisa da main d'in kilo ston vegnir mess enavos immediatamain en las auas e las femnas saunas da las litgivas d'aual suenter ch'ils ovs las èn vegnids prendids.
L'ova da peschs sto vegnir producida, fructifitgada e cuada cun il pli grond quità. Ovs da peschs malsauns u autramain anormals na dastgan betg vegnir prendids. Bastardisaziuns da litgivas d'ual e da lai èn scumandadas.
7. Il chantun che dat la permissiun fixescha, nua che l'ova da peschs producida vegn cuada.
Il cuaditsch produci sto vegnir mess ora sche pussaivel en auas adattadas en proxima vischinanza dal territori, nua ch'ils peschs da frega èn vegnids pigliads.

¹⁾ approvada dal departament federal da l'intern ils 15 da november 1944

8. Davart ils resultats da la pestga da peschs da frega ston las pestgaduras u ils pestgaders e la survegliadra u il survegliader da pestga competent rapportar fin il pli tard ils 10 da schaner sin in formular spezial. Quest formular duai dar infurmaziuns davart: la data da la pestga, il dumber e la paisa (separadamain tenor spezia e tenor schlattaina dal pesch), tar las femnas da litgiva da lai ultra da quai er davart il stadi da la madiranza.
9. Fatgs administrativs:
 Ils dus chantuns s'orienteschan vicendaivlamain – cun consegnar copias davart la permissiun dada (persunalias da la titulara u dal titular da la permissiun, cundiziuns e.u.v.), alura davart ils resultats da la pestga da peschs da frega (in segund exemplar dal rapport davart la pestga dals peschs da frega).
 Els communitgeschan davart eventualas consegnas d'ovas da peschs sco er davart l'utilisaziun dal cuaditsch produci (al metter ora en torrents, nua e cura, u allevament da stadivas).
10. Las directivas d'istanzas militarass restan resalvadas. En cas da conflicts sa drizzan las titularas ed ils titulars da patentas grischuns al departament da giustia e polizia dal chantun Grischun a Cuira, las titularas ed ils titulars da patentas songagliaisas a l'uffizi forestal chantunal da Son Gagl.
11. ¹⁾La cuvegna vegn prolungada fin ils 30 da settember 1949. Ella sa renovescha alura mintgamai per ulteriurs 5 onns, sch'ella na vegn betg desditga 3 mais avant la scadenza dal contract.

¹⁾ cifra 11 agiuntada tras la cuvegna dals 8 da settember e dals 6 d'october 1944